

Konsentimentu Informadu

Benvindu iha Work Healthy Australia. Ami iha espesializasaun hodi fó tratamentu ba kanek sira iha tesidu mamar ho utiliza modalidade tratamentu konservativu oioin hodi hetan rezultadu di'ak liu hotu ba pasiente ida-idak. Ami halo esforsu hodi eduka ami-nia pasiente sira kona-ba risku no benefísiu sira ne'ebé asosiadu ho terapia ida-idak. Favór lee deskrisaun ida-idak no se Ita-Boot konkorda hodi simu tratamentu, favór hakerek Ita-Boot nia naran, asinatura no data iha formuláriu. Se Ita-Boot la komprende deskrisaun ka termu ruma, favór halo diskusaun ho Ita-Boot nia forneseidór husi Work Healthy Australia.

Modalidade: HALO MOVIMENTU BA TESIDU MAMAR

Risku sira: Sente moras iha fatin espesífiku to'o loron rua

Maski literatura médika seidaun inklui kazu ruma kona-ba kanek ne'ebé akontese nu'udar rezultadu husi palpasaun, masajen, ka halo movimentu ba tesidu mamar, informasaun informál indika katak pasiente balu (ema 1 husi ema na'in-100) hatete sira sente moras to'o loron rua, no ema ida hetan ulun-moras la todan.

Modalidade: BOOK RUIN-FUKUN no RUIN-KOTUK

Risku sira: Ruin tohar, kanek ka agravasaun ba disku intervertebral, kanek ba uat iha ruin-kotuk

Iha prova katak book parte isin-lolon refere nu'udar téknika efetiva hodi hasa'e movimentu ruin-fukun no hamenus moras ba períodu to'o oras 48. Literatura inklui kazu sira kona-ba ruin tohar, maibé eventu sira ne'e kuaze nunka akontese no la relasiona ho moras ne'ebé eziste ona iha ruin laran. Disku intervertebral ne'ebé hetan kanek, iritasaun ka monu la akontese beibeik, maibé bele hamosu moras iha nervu ne'ebé habelar ba liman ka ain. Iha possibilidade ki'ik tebetebes atu hetan trauma ka kanek ba uat iha ruin-kotuk nu'udar komplikasaun ida bainhira book kakorok. Estudu sira indika katak risku atu hetan kanek hanesan ne'e mak entre kazu 1 husi kazu hamutuk 400.000 no liu kazu 1 husi kazu hamutuk 1.000.000 kada vés book kakorok, maibé, kanek hanesan ne'e bele hamosu konsekuénsia aat tebetebes hanesan emorrajia serebrál ka mate. Tanba benefísiu sira ne'ebé asosiadu ho book parte isin-lolon refere mak signifikativu tebes bainhira kompara ho risku sira, entaun ami kontinua utiliza terapia ne'e. Maibé, tanba komplikasaun sira bele todan, bainhira posivel ami utiliza teste seguransa/ezame médiku hotu-hotu molok book parte isin-lolon refere, ho nune'e koko atu elimina kandidatu sira ne'ebé la apropiadu ba prosedimentu ne'e.

Modalidade: UZA DAUN MARAN (Akupuntura) no UZA DAUN BOKON (Injesaun Solusaun Salina)

Risku sira: Sente la konfortavel ka moras durante tratamentu no ka isin-metak depoizde tratamentu

Uza daun maran nu'udar forma terapia ho hatama daun sira ne'ebé mihis tebetebes iha fatin espesífiku sira iha isin-lolon (pontu akupuntura sira) hodi fó tratamentu ba parte sira ne'ebé sente moras no hasa'e funksionalidade. Dala barak uza estimulasaun ho korrente ki'ik (Hz 1 to'o 500) hodi aumenta tan efeitu husi tratamentu ne'e. Benefísiu sira husi akupuntura inklui hamenus sintoma, hasa'e nivel enerjia no sente di'ak liután. Work Healthy Australia só uza daun besi esterilizadu ne'ebé uza dala ida de'it hodi halo kontrolu efetivu ba infesaun. Momentu hatama daun sira ba isin-lolon, la sente moras ida, ka sente moras uitoan de'it. Sekarik hatama daun iha fatin ne'ebé la loos, paciente book an, ka daun iha defeitu, bele kauza isin-metak. Daun akupuntura nian mak hatama ba ruin-kotuk nia klaran mak asosiadu ho pulmaun ne'ebé kolapsu. Uza daun bokon signifika halo injesaun solusaun salina iha kulit laran iha fatin espesífiku balu hodi fó tratamentu ba moras no afeta rede tesidu.

Modalidade: REABILITASAUN EZERSÍSIU

Risku sira: Halo sintoma sira sai aat liután

Haruka paciente halo ezersísiu espesífiku sira hodi halo sira-nia isin-lolon forte liu no fleksivel liu mak parte importante husi planu atu permite traballadór sira ne'ebé hetan moras atu tama fali ba serbisu-fatin. Peskiza hatudu katak atividade ezersísiu sira ne'ebé ativu ajuda paciente atu rekupera lalais liu no hamenus possibilidade katak moras ne'e bele sai króniku. Iha risku ki'ik tebes atu hetan kanek ka trauma todan, só iha de'it possibilidade katak Ita-Boot nia sintoma sira bele sai aat liután, no se ida-ne'e akontese duni, ami sei modifika Ita-Boot nia programa.

Ha'u lee no komprende informasaun iha leten, inklui risku potenciál sira husi modalidade tratamentu sira. Ha'u konkorda atu aseita risku sira ne'ebé deklaratiha ona, no fó ha'u-nia konsentimentu eskritu ba fornecedor hodi uza tratamentu apropiadu hanesan fornecedor ne'e esplika mai ha'u durante fó daudaun tratamentu mai ha'u iha Work Healthy Australia.

Ha'u hetan tiha ona oportunidade atu hato'o pergunta ruma kona-ba tratamentu ne'ebé propoin daudaun, no sekarik ha'u hato'o pergunta ruma, fornecedor husi Work Healthy Australia responde tiha ona ba pergunta hirak-ne'e.

Ha'u simu ona kópia ida husi Work Healthy Australia nia Política Privacidade, no ha'u konkorda ho maneira ne'ebé Work Healthy Australia sei uza hodi rai ha'u-nia

informasaun pesoál bazeia ba polítika refere, inklui oinsá Work Healthy Australia bele halibur no uza ha'u-nia informasaun pesoál, no bele divulga ha'u-nia informasaun pesoál ba parte datoluk sira ne'ebé mensiona iha polítika refere.

Tanba kualkér kompañia empregadór iha responsabilidade relasiona ho ha'u-nia saúde no seguransa, dala ruma nesesáriu ba fornecedór husi Work Healthy Australia hodi koordena ho ema sira ne'ebé relevante iha ha'u-nia organizasaun. Tanba ne'e, ha'u fó konsentimentu hodi permite Work Health Australia diskute ha'u-nia informasaun saúde ne'ebé relevante no informasaun pesoál seluk ruma kona-ba ha'u-nia kondisaun saúde ka kanek, kualkér limitasaun ba ha'u-nia atividade serbisu, ha'u-nia prognóstiku no tratamentu ho ema sira tuir mai ne'ebé responsavel ba ha'u-nia kuidaunsa saúde ka seguransa: fornecedór servisu saúde no médiku sira seluk, pesoál Saúde no Seguransa iha Serbisu-Fatin, pesoál RU, Koordinadór Reabilitasaun, no mos supervizór no jestór sira iha organizasaun ne'e.